



博望山人稿卷之四

當塗曹履吉元甫著

七言律

金陵登憑虛閣

傑閣平懸翠嶂頭。似臨無地與天遊。遙看大界蒼烟合。併入長陵紫氣浮。明月尚傳飛錫夜。寒風時作故城秋。銷沉多少凭欄意。莫向登臨怨未休。

登攝山絕頂

紫霧峰頭四望齊。分明指點又疑迷。奔來萬嶂沿





江轉瀉去長天逼眼低壑有鐘聲佛是寺野多雲  
影半於谿尋真自在丹霞杪不向人間更藉棲

其二

最高峰上小菴懸。遍作蒼茫散遠天。有酌且留青  
艸坐。幾人來抱白雲眠。陰陰似閣慈林雨。點點全  
蟠帝里烟。試把浮漚空一瞬。早於此際見初禪。

登金柱山敬和先大父封公元韻

聞說圖雲色半輕。何如茲塔露盤成。江河會處錦  
沙地。雲水上頭烟火城。聲逼高青惟咫尺。位凌太

白與縱橫。可知不朽經營手。深淺南人蔽芾情。

其二

漫躡飛梯七折輕。相輪誰識斷鼇成。平沙徑拔金  
天柱。去浪聲環水國城。添與凌敲雙塔鎮。遙將楊  
子二梁橫。卽今多少觀風意。已占當年創始情。  
遊金柱塔有懷故令章公

疑將砥柱按圖經。當日精誠洩地靈。一粟影生多  
寶塔。三江指出少微星。人思玉樹花間縣。口載銀  
鈎石上銘。獨有龍門深御李。斗山何地不青冥。



博望山人稿 卷之四  
岳陽樓

高樓平與太清涵五月流衝青草潭水併一區浮  
楚蜀天空半壁注西南千秋帝女愁終在此日江  
湖恐未諳趁雨呼風促舟去烟波應待夜珠探  
家大人衙齋小亭初憩

千家城郭占山形清署堪傳關令經獨枕熊頭鄰  
太白時邀鶴露伴樵青幾株秋蒂高於屋一邑春  
臺共此亭更喜楚天初定省薰風時已快趨庭  
已酉壽家大人於家庭別來辰陽始嗣成歲

綵喜而有成

承華此月宴桃林調引南山宓子琴正報臺章三  
殿最新營水壁五城深堂邊窺洞神仙宰堦下扶  
藜父母心倍覺天涯歡綵袖十年前祝至於今

九華江上遲友

天際芙蓉自化成輕舸遙泊問前盟江山狎長非  
關想風雨懷人并入情笑語三年馮繫鯉精靈半  
夜動騎鯨最憐新綠緣堤處不斷嚶嚶喚友生

送周季侯按楚



離亭勿設攬征衣。執法星芒出太微。漢水三章霜  
欲凜。燕山十月雪先飛。時危天地蠻夷遠。事隱東  
南川貴非君到。上游桑土計澄清。有願肯教違

其二

蕭齋憶共擁寒凋。許國今看論納酬。仗馬何知名  
御史公車先斥大。長秋雷霆偏爲連。章霽江漢旋  
教叱馭收應以君恩。翻弔古新詩幾向汨羅投。

直指白樓易公入九華。因憶與吉有同遊之  
約。遂止望華樓。貽詩見懷賦以酬之。

六六峰盤翠自浮。馮樓猶在五溪頭。應知杖底芙  
蓉約。特爲山中桂樹留。夢挾青蓮魂亦秀。歌翻白  
露韻俱秋。雙茅更乞陵陽子。好待樊溪雪夜舟。

秋日方仁植年兄同越友史白弢訪余泊采  
石適晉陵張二無省長同兄韞之拏舟而  
至卽事各賦

自信漁舟泛泛回。却疑此會戀深杯。三江千里懷  
人地。一日雙帆作賦才。解意涼風吹雨過。得情好  
月破雲來。峰頭莫忘披榛坐。九片芙蓉入掌開。



其二

似期非約兩仙仙。情事如何快語傳。數載夢魂吟  
白。露。半。生。驚。喜。拜。青。蓮。歌。鍾。夜。共。漁。骨。發。醉。石。飛。  
將。月。樹。縣。只。此。貪。雷。誰。適。主。尊。前。一。笑。剡。溪。船。

冬日邀吳栗仲同張問夫李居絢倪世符叔

遠谷蘭上人泛舟尼坡攜蘇趙墨蹟共閱  
招攜真向小山宜。摹古探幽進艇遲。篋出臨池中  
散論案披疊嶂大。蘇詩一川白遶寒初落。萬木蒼  
稠凍更姿。似比鷗羣添許事。清音供與好奇知。

冬夜楊仁甫招同宋比玉王巢父沈璧甫姑

溪泛月

籬落尋常水月鄉。問君何事戀流光。沙邊人影來  
千。里。天。半。霜。華。散。小。陽。假。到。楚。舫。初。弄。楫。顧。殘。吳。  
曲。更。飛。觴。清。溪。狎。主。如。今。夜。殊。勝。東。山。且。自。狂。

送王巢父歸杭重及長安舊事

汗漫相逢憶帝京。河橋晴雪水盈盈。循欄獨步生  
予。想。駐。策。旁。觀。見。爾。情。處。仲。不。忘。千。里。驥。君。卿。久。  
厭。五。侯。鯖。魚。龍。寂。寞。深。留。約。肯。指。吳。山。作。渭。城。



倪世符叔遠昆玉邀同沈璧甫梁千秋吳君  
衡泛姑溪釣臺雪作時薊門正棘

重泛寒溪醉客顏對時情事幾般般不圖巧奏三  
生趣儘在游閑十里間故取橫舟看合水忽翻密  
雪失前山釣臺斟酌羊裘好烽火盧龍未閉關

崇禎三載春仲旣望爲張年伯母八十誕辰

時令子山東憲使貞菴蒙上恩予養梓里  
榮之猶子履吉敬稱一觴歌拙詩爲侑

宣文大節郡名家天語褒貞麗九霞子舍豸冠承

北極仙都鸞誥遇東華燕開金母初迎社龍長篁  
孫屢報衙好向中春溪上看年年認取挂星查

韓孟郁書言盧原甫駱御飛二兄合璧之妙

旣見喜而謝之

多君高義念枯閑二仲分來一札間代霸曹劉迂  
莫數初唐盧駱巧相班明珠自昔嗟滄海俗駕從  
今謝北山更約深秋還白岳少微星已動柴關

小閣成吳門駱御飛嶺南韓煦仲盧原甫夜

坐分賦



寸燭飛詩百尺竿尊前大敵鬪芒寒不教孤掌鳴  
江上會送雙珠出海看喜動河山猶似鬱苦搜星  
斗尚非安惟應小築添新事就壁龔成次第刊

九日盧原甫韓煦仲王居重沈廣心吳君玉

諸客共泛龍山

半遠輕搖淺水船對時佳事此中偏風催好客爭  
今日人指空山說萬年密雨打篷還應節亂頭橫  
笠更登巔村農似解翻前案仰面羣看語笑闌

青溪舟中寒夜懷淮海友人

孤蓬篝火黯如何淮楚同飄許夢過更鍊微軀添  
雨雪未哀失路得江河羣鴉歲冷南枝少旅鴈音  
懷北極多我自憂心撩不耐爲君中夜續牛歌

奉問鄭玄翁尚書

神州紫甸阿龍超得共旗亭朗月招始識文昌開  
上相便從司會總羣僚人間瑞鳳宜黃屋天際冥  
鴻自絳霄獨存悲秋寥落客終宵凝望數三朝

其二

誰道江隅竹素傳時逢天上說旬宣擬翻合璧儔



博望山人稿 卷之四  
三顧却定神珠蚤十年。遶屋河流盤古木。當軒嶽色秀華蓮。一編手自褰裳問。縱老何如讀太玄。

送史道鄰出鎮江北

帝念東南紫詔頒。於公新簡大夫班。全吳制遠三千里。分陝名高百二關。家起禁城清似水。天開旌節抱如山。請看極目流離者。一笑功成指顧間。

其二

曾共三人嘆索居。清宵卮酒賦同車。祇推方叔宜元老。浪笑終軍棄吏胥。水夾紅蕖薰紫電。尊前白

練載黃書。經年嘆喏。惟占此太史。今題報捷初。

練任鴻按漕言別

舊令山陽

漕渠飛輓大江通。臘月嚴程簡命隆。赤子弄兵新定處。烏臺治粟舊游中。寒澆竹葉千林雪。春漲桃花萬艣風。獨感離居當歲晚。牙絃欲奏爲誰工。

都門送朱西崑明府之蕪湖

西來天馬自龍神。霖雨蕪江起涸鱗。玉井一華初地秀。金陵千樹上流春。懷中得月驚猶晚。客裏瞻星喜倍親。便欲歸棲溪上畝。青陽先及耦耕人。



送聶雨軒少司農歸里

代大司農

相對晨星憶昔年蕭蕭白雪各盈顛來同方朔聊  
捫腹歸去洪崖好拍肩軍國新愁誰借筴京華老  
別此離筵春深汝水猶搔首那送巴西萬里天

送魏元白侍御按齊

春風輪動覺霜吹帝命東方正此時遠取鯨鯢馮  
渤海新聞鷄犬出潢池文章欲就中興頌杼柚先  
賡小雅詩預數瓜時人已去何年芳杜踐前期

部堂後東偏有晚節園義取四檜五松云垂

百餘年軒楹修廢不知幾更而松檜故存  
豈非節以晚定不隨衆芳搖落邪余鞅掌  
之暇拂拭前賢題名因少加葺植而繫之  
以詩

小徑荒餘覆野蒿獨存松檜響飛濤鶯花自逐輕  
紅老鶴露長翻古翠高臺榭舊曾閒點綴藥欄添  
與伴週遭歲寒勿復愁孤節抱甕終然勝桔槔

送大廷尉林仰晉還東粵

俯仰人間三十霜逐臣當日見孤芳雷霆恥抱寒



蟬影歲月深留振鷺光  
史局應教忠諫著驛程重  
荷主恩長韓山舊有昌黎跡  
山斗如今說海陽

送張尚書翼明還里

黃髮人中紫電顏  
履聲自合領天班  
轉輸近接鵷鴻翼  
呼吸曾雄虎豹關  
鼓柅那教來渭水  
採芝何意在商山  
衣裳此別翻成戀  
不是詩人十畝間

恭順侯吳苓石以大將軍扈從郊祀禮成

鷄鳴玉輅出天宗  
濟濟衣冠拜舞從  
特詔元戎乘駿馬  
親團禁旅導飛龍  
綵雲壇上身疑捧  
金版函

時眼見封五十年來書太史更誰麟閣此遭逢

將出都偶同袁田祖集後湖

飛鴻已向北門回  
尚戀湖光小宴開  
水自有情還一別  
客雖無約恰同來  
昨宵涼雨添荷堰  
今日新裝裊露臺  
不遣奚囊收拾去  
坐中留待洛陽才

輓楊明宇都尉

高館天臨玉女花  
誰堪儒素不豪華  
鳳臺夫壻輕千駟  
蠹簡書生自五車  
性比伯鸞真死孝  
諾同季布幾傾家  
聊城獨鶴飛何處  
空復宮牆絢曉霞



贈黃春日徵君

青霞雙結綠屏裾，閎閎偏驅下澤車。亭上顏題江  
令頌，壁間掌故伏生書。更爲春圃宜佳客，旋拾靈  
苗作野蔬。獨有五荆新柱下，仙人高唱集應徐。

贈劉岐陽膺南侍御封

琅函再捧思依依，身向周京拜鎖闈。子舍尚追雙  
白綵，天章重煥七襄機。遺經舊德高高少，執法新  
恩並大微。多少憂時深報主，龜龍碣上皂囊飛。

祝徐磬石母

桃川官渡舊芳鄰，簇簇鍾雲姑射人。天錫金章原  
上國，星臨玉女正中春。膝前聲價三都賦，座上名  
流五嶽賓。自笑孤槎牛渚上，一杯江水百花珍。

芝城胡女爲過訪道舊

樓俯東湖作嘯臺，春風三月憶流杯。人傳楊柳循  
堤唱，峰削芙蓉倒鏡開。豈謂紫髯霜後改，能從白  
苧雨中來。休將陵谷論池館，但認何郎繞屋梅。

樓居成適程相如，將軍至自揚州書兼惠籌  
邊諸刻却寄



築隙爲樓正著梯手來消息大江西人於春雪新  
晴立書想寒風破夢題祗信河山皆玉帛誰從海  
國問鯨鯢寬閒有地重推枕午夜因君欲聽雞

贈貴池李明府

已見花綸錫帝都雲天猶自望仙鳧古交堪擬惟  
江水新澤遙通到石湖雙鳳闕邊馴雉手九芙蓉  
裏種花廬相聞更有憂時策夜夜抽毫對稿梧

同杜退思晚上燕子磯

斜風急浪獨揚舲燕子秋歸剩晚亭夾檜尚教危  
徑辨老蟾忽破半江冥杯貪清漢當空吸曲愛高  
臺向下聽還取磯頭靈石弄人間何地不雙星

北征次梁苑晤侯六真同年時黔中苗亂六  
真奉命往按索贈二律

蠢爾夷峒敢弄兵殿中慷慨誓澄清埋輪多自雄  
烏府喻檄終然遜馬卿近省母勞間左戍諸蕃空  
倚水西營纓冠有赤何人識凜冽寒宵倍道行

其二

憶共長安拂素襟征衣又見朔風侵登堂正有尋



盟感攬轡重添送遠心千里漫言同命駕三驅恰  
爲祝前禽帝城客煖梅花座金筑先開到好音

壽呂母七十

郎君劔潭官大行

鶴堂新綵九霞明阿母承華斗在庚正向梁園來  
玉節恰於靈緒泛金英佳兒尚歎三牲薄天女惟  
甘八水清信得妙輪常住地也將花板到神京

侍御渤海張公以仲秋出按吳門過里稱王

太夫人觴敬附一章爲祝

帝里名門五翟綸膝前驄步向勾吳綸分御宿來

瀛海練作瑤光起太湖家有靈槎秋八月天懸機  
女夜雙珠應知綵戲皆人子獨此丹心報母劬

寄黃霞碧

三十文章金石聲逃名偏動鑿坏情靈函秘種連  
牀讀絕壑幽巖卽舍營廝養供來猗頓氏侍兒學  
就鄭康成何人遠志知鴻鵠直信楞嚴有地行

送孟讓林擢憲使督餉三晉

曾聞句注險飛狐搜粟新推協帝俞地漑黃河還  
左抱阡屯紫塞盡東輪風雲自護藩宣憶鞭弭應



輕漢吏繻獨有爲郎舊同舍高秋愁見雁行孤  
汝南胡趨傲得封三代光祿勳

何處蜚鴻漸大廷天中屈指是晨星紫泥世澤皆  
三署白鹿家風遞一經地上松楸重瑞色身前水  
木總皇靈從今無限旂常事應共儒林紀汗青

張見立文部還隴西時將有夢蘭之喜

勞勞此地滿離卮若箇堪投芍藥枝元叔如還天  
水郡山公暫向習家池望中秋老三峰削夢裏春  
生九畹滋祇有暮雲心不斷都亭留與酒人期

夜行臨淮濠上

畏景長征更向西火雲今夜一時低月依孤旅新  
涼影風襲雙濠古界隄鏡裏翻鈎魚自躍林邊息  
轡鳥同棲須教行役還幽事遮莫何論野店鷄

劉蘿陽方伯王正八日招飲卽事

次日立春

年華初見羽車翹爲吐藜光對客燒今夜花風春  
有信昨朝人日句先招九仙身自煙霞表二室名  
猶岳牧標醉把遺編問黃石許誰親見下邳橋

沈宏所晉左伯東省取道維揚暫駐於大梁



賦別

勿訝藩房帝命殊佩青家世表東吳登朝最秀三  
珠樹蔭岳深分五大夫未許藏名綠諫草不須任  
達亦兵厨夷門倘念勞薪客白首生涯訂太湖

其二

二月春明海岱遊畫船先繫古揚州較書燕玉拈  
纖指侍史吳趨理故喉嫩筍幾頭雷吐甲新鱗雙  
尾雪翻鈞未論鼎寶看君事祇此烟花占隱侯

陳獻吾愛韋蘇州獨憐幽草篇常見吟咏寄

意甚深欲余落墨染此景未間賦先索余  
行草此篇橫施尺幅間韋以詩作畫余復  
代畫以書古今幽事初無定本是宜靜者  
得之因更系詩一篇



春潮野渡晚陰陰幽澗黃鸝語樹深試草蘇州詩  
裏畫似聽宗炳壁間琴景空意相原非手事可摩  
娑便是吟滿日浮雲誰喚破知君相對遠遊心

送王敬野太守

千騎南來歲始華夢回偏逐鹿門車緣隨赤社聊



遺蹟名在丹臺別有家江氣和烟催柳絮天風吹  
雪鬪桃花泠泠碧落還前約郢樹荆門未是賒

吳壺南過別歸隱黃山

雙丸閒拾兩肩輕八十歸尋野鶴盟黃帝峰前安  
鼎竈青牛背上換人氓圖書博盡皆嫌累碁賦揮  
成亦讓名六六峰頭馮指點何時不有海雲生

何環應直指還朝

時取道歸省

北極龜符受簡時南畿豸使報瓜期車從天塹趨  
雙闕袖擁雲爛度九疑目擊魚龍分隱躍心懸玉

帛共清夷最憐澤畔知音竭吹徹參差寄所思

元宵江行赴金陵

歲歲江天醉落暉初春此夜泛舟稀早端孤兔扶  
烟上乍戲羣鴻貼水飛大舶金鉦遙欲競高牙火  
樹耿還微便將佳節撩行客不道溪居百里違

信宿汪士衡寤園

自識玄情物外孤區中聊與石林俱選將江海爲  
隣地摹出荆關得意圖古檜過風絃絕壑春潮化  
雪練平蕪分題且慎懷中簡簪筆重來次第濡



社日後邀韓孟郁水泛指謝家青山兼酬來

韻

取次春溪遠送之青山懷古舊幽期林鶯有意求  
朋語海燕無心問世疑對景輕烟三日放多情晚  
雨一燈遲西流漢水誰長在今古驚人謝眺詩

祝宣州蔡節推

鬱葱佳氣靄相望甘谷秋英滿泛漿筆掃六經傳  
漢石衡平三尺表丹陽繞城溪水澄冰鑑插案峰  
巒倚劍鉞未擬霞標板自迥蚤從九里借餘光

寄鄭丹徒詡菴

燕社西郊撫後塵高梁橋畔草將茵比來載酒求  
鶯日何異臨圖得駿辰仙掌新華開鐵甕水心舊  
兆憶金人海波東挽應能事識取旗亭賀季真

王巢父沈璧甫偕顧余墨海齋中酒行道故

各投佳篇賦答

曼曼遠道見深情空谷翻令百感生飄泊幾經追  
亦好紛拏始悟拙相成拳霜自傲蒹葭色問月同  
敲杵日聲欲笑飲人誇不朽兵厨今夜為誰傾



擬送吳去聞先生奉使秦藩

天家一派授圭時太史西臨玉路綬世共黃河蟠  
若帶恩從白社賦如絲池邊蒲葉秦封在嶽頂荷  
花漢使知好趁融風清驛道早同雅樂待廷吹

其二

集靈宮裏望楓宸鄭重苴茅捧命臣疑有飲冰寒  
九夏雅聞設醴動三秦雄文震澤青廂著瑞色函  
關紫炁屯更及桃林開綵宴遙將玉女度佳辰

金陵西天寺同張仲玉吳君玉飲桃花下

共說江南二月時地分禪境最清奇四山嫩綠成  
茵塢一片飛紅到酒卮雜坐遙輕官渡日仙襟不  
是避秦期徵歌細細穿雲臆幾局敲殘樹影移

寄郭次甫

結屋誅茅江上峰白雲芳草臥林宗閑招青鳥能  
傳賦獨俯蒼松不受封冠莫三滄還戀鷓杖尋五  
岳定爲龍相期共醉宜春酒坐聽千山送暮鐘

心城劉年兄蕪權報滿二詩爲別

千里關門水監廳吟成仍似舊玄亭天官鄭重書



博望山人稿 卷之四  
東井園吏逍遙賦北溟人在漢時頭未白地當江  
上眼能青畱遺不必摩娑石日夜精靈伴使星

其二

吳門世略傳中壘京國分司控上流此地千秋重  
謝李邀天十載合曹劉毫端灑唾珠皆迸鬲內行  
銘簡未讎更憶珊瑚鈎在處一册頻問水心樓

贈友

寥寥託尚古誰同地迥林開漢晉風縱覽神仙原  
隱士小兼文酒亦禪通卽依嶽洞爲家好况數宗

門近里中莫怪詩名猶在耳三山高咏至今工

酬袁公寥來韻

紛紛人代笑馮陵括盡還如脫手能異鼎何勞干  
灼候靈航惟見一呼登解疑猶恐難輕借便醉仍  
非得未曾直欲冷然吹列子從風從我任虛乘

其二

朱碧何曾過眼鏡諸家今始罷招搖寧容塗乞驕  
懷璧看破珠投學緯蕭海氣忽噓驚失谷春聲新  
轉試聞喬只疑孤美愁天地漫上高丘振臂招



其三

幽岑乍挹九光明  
心肺先開目乃成  
推擬古賢何坐位  
懽從今會了平生  
英雄本色原兒女  
風雅真聲好弟兄  
始信難禁歌舞意  
漫郎一往有深情

其四

姓字不緣公族著  
聲名漫拾武人餘  
若教饑渴微君故  
縱讀詩書亦子虛  
雪苧直迎淮楚棹  
冰江重解秣陵魚  
流雲小閣逾年約  
破笋驚雷賦羽車

丁未冬遊灑霍吾冲虛先生逾年得歲五十

憶壽以題冊尚能嘿舉越  
戊午逮耆頤椿矣余適假歸  
行者財悟索味靜者乃倍體  
受余於此殊進一觀因郎君  
便問附見此詩請以續頌

十年曾問鹿門遊  
賦得人間海上籌  
玉楮三殘烟月老  
金天一壯歲  
星周嶠峰接地呼  
如丈琪樹當筵醉  
卽侯還引貞松歌  
後紀小天門畔五  
株頭  
衰又玄以夏五過  
我攜謝園賦贈又  
玄所自得則以畫  
爲禪云



穆穆如君事事能分門第品未相競按圖已識高  
吟客潑墨還兼入定僧桐葉欲流秋夜露玉壺如  
貯夏天冰空村一榻蕭然下留取迴風贈爾乘

林陽仲明府見貽東原小齋二詩步韻奉酬

林光一帶冷秋屏忽踏荒除啓晝扃綬色纔分仙  
令綠山容已媚謝家青觴從甘雨車前進曲在迴  
風葉裏聽莫訝蓬蒿來郢調高吟端爲破沉冥

其二

秋風原上問藤蘿拳石村齋貌曲阿幽事卽于三

徑少懽心應以大田多野花紅趁隨陽鴈新酒黃  
如出抱鶯竟日淹留知不厭戴星能得幾迴過

王穉恭范穆其程仲貞楊仲房集小閣再用

林陽仲韻

畫裏何如閣上屏流雲去牖若開扃儘餘潦水能  
爲碧強半寒松故到青忽出遠峰驚共指間敲殘  
葉側相聽應知旅客關情思直送飛鴻入杳冥

其二

爲問空林可薜蘿倘然問巷也家阿量濠導水來



何少位石成山處合多豈有繡紋工似虎欣看筆  
陣御爲鷺惟因此地全登秣釀事成時君再過

嘉平三日大椿翁虞年伯七旬初度時方偕  
老伯母就司李公九階於徽而李公屬以  
半年于役歸及茲辰得舉觴事于胥樂兮  
履吉敬爲紀而詩之以備嘏辭

雙白同輿遠自板新安郡裏舞編爛遂教湖海藏  
舟客來長軒轅煉鼎山閑寄官司翻見性澹甘廉  
養倍開顏持觴請驗天人事壽者何須覓九還

其二

子舍遙馳執法聲按方纔了已嘉平絆無公事饒  
爲壽樂有佳兒卽養生五百餘程星下會三十六  
峰杯底行欲知綵袖紅相映漢苑霜林滿樹英

其三

人中獨瑞斲輪師靜好仍頤兩鶴姿几上春秋輕  
萬戶階前雨露秀三芝海門宅與蓬萊近山郡堂  
於杖履宜更值天家新玉曆闔陽流照萬年卮  
出涿鹿望迤西諸山



博望山人稿 卷之四 三  
幾來擁蔽未披顏忽爾褰帷一望間顧我偶遺輿  
地考問人堅說太行山雲無萬疊鈎連勢幕少千  
層劍珮環匹馬西風吾有約高臨玉井數重關

河間道中

客程猶在古河間拭眼頻回欲睡顏天白疎林時  
作水草青高地恍看山他村注雨遙分爽近葉停  
輿暫學閑總是征人鄉思急未言當夏苦間關

余延館虞君爾篤因借交令岳莊歛之屬四  
月初度稱小詩寄祝

綵翰鋒中射大黃傾心今喜竊鄰光南椿未老非  
園吏東箭無多有仲翔花發萱葵殷作瑞人標水  
玉皎相望溪漁也挹天門水迸入文昌大斗漿  
石巢舟中小星之喜卽事爲笑

暖律新陽十日開綺筵簫鼓夜沉回潮生青雀姑  
溪月珠結玄龍合浦胎旣遣雙成欣下嫁更勞阿  
母祝高禰老伶若爲憐通德費盡胡經化不來

同杜退思遊金柱山用退思韻

酒載三江古渡濱塔輪風起碧波蘋疑開好地敦



前約似占清秋獨此辰客有關心多是舊人除真  
味更無鄰芳蘭自襲看相笑再把青青誦楚臣

題杜文部斗園

高城射斗築園居百丈寒光玉不如秀擁林巒收  
戶牖美多風日出圖書景緣信意裁偏巧樹以藏  
幽韻更踈畱取芝泉明月色千秋人抱老蟾蜍

侍御馬千里迎太夫人于京邸敬賦二律爲

壽御史家陝西

時天啓初元

聖代朝元啓御符芳隣令子扼天衢新豐酒肆初

逢主洛水花輿恰入都瑞作集靈臺上雀慈看御  
史府中烏須知脉脉承懽處午夜青天一寸孤

其二

貞母恩推執法臣輕軒就闕拜絲綸冰霜骨節人  
如故日月天門老見新袞職補餘裁作綵鴛班朝  
罷戲爲賓從人漫比春秋古玉女常尊百二秦

聞方時生新居成

柱後新看啓秀人開林初反客遊身駿名憶動金  
臺市鳥革仍輝璧水鄰里第雲霄誰甲乙文家龍



虎自寅辰故人獨信芙蓉業不是前番季子秦  
壽某夫人

碧海宵臨寶婺光年年玄鬢搗玄霜恤來婺緯長  
孤室教就軍繻元一方古戍江門閑白羽新軒帝  
里奏清商當筵試問傾漿酌甘谷金英好泛香

同金九嶼呂吉人郭仲庸登雷峰

金陵有約莫頻催不礙今朝看菊寒度盡千山猶  
是客那能九日不登臺就使暫留差勝別尚餘殘  
照未應回秋容故作樽前態無數嵐光向晚開

登天柱峰

層霄嶽立萬山君便是南天赤社分望處誰尋軒  
后日封中猶起漢皇雲精纏上界星墟接氣送長  
陵帝脉紛復恐山靈藏異象也如青玉白編文

其二

嶽位宜尊最上頭芙蓉獨拔與天浮環騰萬馬當  
軒伏背遶雙星入漢流向日珠宮丹籍在何年玉  
檢翠華遊茂陵聖代應焚草拱揖名山自帝丘

賜綵堂爲柱史李公題



寒車近傍白雲飛，岵岵重瞻晝錦歸。  
揮手不妨辭殿陛，此身欣復侍庭闈。  
攜將豸史新團繡，併作龍門舊綵衣。  
自識君恩遲愛日，寧容補袞願終違。

問鶴亭爲柱史李公題

痛絕寒廬一墓宮，驚來雙鶴遶雲中。  
羽同皜皜衣麻雪，唳出哀哀誦蓼風。  
何事橫霄停遠度，抵勞長盼斷遙空。  
青田不在松楸下，弔罷翩然舉翰翀。

贈勞明府擢北比部

華省新推彩鳳毛，姑城攀臥擁旌旄。  
旄兩移近邑看花滿，一去含香曳步高。  
湛露春濃還北極，法星秋肅借西曹。  
從來盛代徵高第，敢向河梁首重搔。

其二

寥廓青雲惜羽毛，閑門仲蔚舊蓬蒿。  
自經題品參模索，遂傍玄言忽解弢。  
冀北何當千里駿，人中幸遇九方臯。  
也知寘璧非論報，今日偏殘俠骨高。

郭宗伯明龍先生席上有呈

弘文久已被陽春，入座新銜瑞露珍。  
地少樓臺充別墅，天留禮樂會中宸。  
名如司馬知童子，博可猶



龍藉聖人滿目紛紛咸楚望欲將前筓叩平津

其二

星芒獨見斗魁持三五橫斜衆曜靡天祿聲名還  
素士人家歌咏盡黃離從聞大海能容細今信春  
風忝自披欲數當年酬唱侶九霄黃鶴渺難追

予叨集生年翁天真篤契又託同庚昨歲賤  
辰蒙錫佳咏更添一載予亦依律爲祝集  
生正花甲一齡俱合嘉祐伏波故事而聖  
恩新賜冠冕崢嶸卽稽首拜揚夫何能極  
終歸點石知集生不予棄也

落木欣逢雨露柯生朝相傍百年歌自慙地遠蘇  
嘉祐却羨恩新馬伏波緣借吳山曾放杖祥開帝  
里更鳴珂野人獨有專伽梵一日輕叅點石多

壽張封翁

鍾鼎門中接武賢獨將幽韻賦思玄種芝早薦甘  
泉秀養樹還滋楚國年几上一峰天柱立雲邊五  
老石梁連不須更論餐霞事留取星文動潁川

壽詹母六十



醪酒金英入座新雲翹玉佩綵卮人早宜黃髮中  
臺老兼作青廂外傳身鳥供靈驅還侍母鴻爲仙  
御正來賓花輿謾說家園勝燕喜遙將入帝闈  
錢公永新第拜版使以春正轉黔中餉便道  
歸里壽太夫人敬賦一律贈而兼之以祝  
馬首青塗出帝鄉錦衣特藉倚間光龍池纔薦仙  
人宴鷄舌新歸漢使香萬里有春回貴竹兩年如  
夢見滄浪相期莫戀翩離句歲歲君恩永北堂  
封太公何年伯以丙寅歲七十開表越明年

冬履吉歸自嵩少適令子代巡敝里乃介  
一詩寄申方至之祝云

江左南山祝又初季方新叱採風車起居御宿懷  
中簡定省華陽洞裏書已錫五雲開垆野更榮雙  
萼挺軒除當筵未歉登歌晚留曳青霞少室裾

鳩茲橋

不信今朝攪客思濛濛雨亦渭城詩衝梁水似煎  
離滾上瀨船如戀別遲吹入魚苗風正起泊於燕  
尾積邊宜連天浩渺滌懷抱須醉蓬頭側接羸



湖口逢普陀僧唯一入楚

把衲相逢及石鐘補經雲片幾重重看成南海蓮  
花種來削黃梅祖地峰細說扶桑當寺景旋分菹  
菜見山供可知此處東林近續取三生白社蹤

道士泐

共指高真化翠微蒙茸也似九宮衣染深霜葉黃  
冠老吹散雲根紫氣飛楚地巫陽偏代祝漢家太  
乙罷招祈惟餘和尚江東港又寄長濤去不歸

虞伯醇夜話

對几支牀語乍窺墨花水氣迸淋漓情深玄草疑  
人後坐老黃梅厭雨時風有雄雌差自擬馬非牝  
牡定誰知高秋送爾乘槎渺仙侶金臺有所思

陳行之談鴈蕩龍湫之勝巜巜神飛因爲一

律以當臥遊

羣山浙下鬱巔岼盡入東甌郡裏看七十面峰攢  
大壑五千丈壁挂飛瀾鴈翎春日歸來夢龍骨終  
年洗不寒翹首因君添想像何時放杖任般般

集余郡侯衙齋之含清亭



風流北海一開筵雅集合清禮數蠲牛耳盟高詩  
裏伯麟符押罷郡中仙疎梅有態將烟晚落木無  
遮得月先應識龍門懸署第何來二仲狎尊前

蚤秋邵道卿過鳩茲謁項虞部書來賦答

三山三月兩徘徊揮手殘荷已暗催幾度夢魂鷄  
唱後數行題字鴈聲來帆過牛渚何相避眼入嶼  
江好自開若地烟花容易醉新篇應借項斯裁

別成長公次公還魯

芳蘭秀出雨寧馨黯入驪歌且罷聽光動聯珠方  
代月氣從分劍不占星馬迎岱岳雲兼遠鴈去吳  
江影自冥肝膽但存天地濶不須塵世問誰醒

呈中丞宋老師

蚤聞金馬籍中搜按節東南領上遊七郡冰霜先  
百辟一時鞭弭自千秋席前照乘清霄徹匣裏流  
虹野霧收漢主代來思夜拜平津高敞屬君侯

其二

鳳苞久作明時羽烏府今高執法臺仙掌光凝三  
竺麗冰壺遙映一泓開極含練影吳門近筆載風



流岱岳來此日龍門欣得御魯中狂簡借鴻裁

其三

誰傳封事入朝頻祇信迴狂百折身露簡自來雄  
鐵筆霜臺原不頌金人應憐暗室臣心苦或博明  
光帝鑑新就使匡衡愁直道也餘公論在朝紳

壽曹元芝侍御封公

叔通謾道隱儒冠要作天中古宿看家授一經題  
柱下檢分三秀領臺端杯承華掌波凝紫籍著瑤  
陵字盡丹偶到都亭欣奉御吾宗應雜綵卮歡

壽劉利津年伯八十

天都太乙隱名賢膝有元方御入燕百歲錦堂傳  
壽母八公鴻寶舊昇仙帝鄉青雀何來遠海國花  
驄適報旋一曲金門張廣樂闔陽長結大椿年

其二

何知天意與人從五十年來瑞事逢聖主泰壇開  
壽域老人南極應秦封冠同鐵柱偏思鷓杖到金  
臺信是龍濟濟鵠行齊綵戲婆娑應許雜吳儂



博望山人稿卷之五

當塗曹履吉元甫著

五言絕句

冰玉山房雜咏

有引

仲彙社長知余以總角余於時卽知仲彙有山房號冰玉但問得冰玉義取塢中山水則虛擬一詩仲彙悉父兄子弟文心意匠數十年離以嘉名亦十數餘又將謬屬余寫生手余不覲面而識之語固不親也乃白嶽之招迄今不得赴



何緣徑造山房仲彙曰凡寫境者有覲面摹擬  
兩家覲面者具山房之神情摹擬者竭爾自具  
之神情竭爾神情之具而山房之離合可無問  
也余乃思古人繪臥遊皆非必前遊其處元亮  
記桃源亦桃源漁郎之口耳至如離而什之箕  
簞谷三十咏坡老亦是寄去洋州且不妨以月  
落空庭解嘲千尺也余不親山房固將親以什  
矣什之卽以仲彙之略爲七言絕者十爲五言  
絕者八以歸仲彙曰扶筇大嶽自聽天緣若涉  
足問故人林居尋白首新懽終當不慳再于時  
增竄數言果庶幾虎頭頰上之毛耶

賓旭閣

高樓警深夜坐待天鷄浴不信曉光暹都作紅水

玉

玉樹軒

覓竇疑沉闕如何雪四旁祗緣枝是玉虛室發瑤

光

小蓬壺



身飛容幾尺身外等虛閑寧知此勺水而非三神山

彌勒室

規取如九竅曾否無明照歡喜問誰緣暗中剛一笑

曝書樓

三完漢武書萬疊長源卷七日曝不乾十年翻自徧

團蕉

有壁古堂間覆蕉亦長物淨影不認身燈前無量佛

會心處

是卉皆含語逢人各贈春試將如語卉領取不言人

蒙泉

徒自尋山下何曾江眼窺月珠如欲掇惟有老蛟知

小檻



清源浴幽檻鎮日弄遊鱗若非貪尺素焉知竿與綸

武昌曲

吳宮已荒草釜鬻漑何處獨有夏水生還送石頭去

其二

春水年年換春風異昔看如何此楊柳幾株還在官

其三

郎亭山下谷貯得漫郎酒年深剝酒痕窠尊非郎有

其四

酣歌廣宴殘哀賦江南歇樊口出寒溪照見當時月

袁田祖持畫索題得三首

獨峰如屋屏屋在峰縐處不知泉眼來但送泉聲去

其二



空庭敲雪片木落知山面坐中潑墨人圖上依稀  
見

其三

已縱尋幽步臨幽若逢故何處泉雨飛杖底時驚  
顧

葉孺韜歸皖題畫爲贈

片雨春亭急觴君別未能重將山水意添染兩三  
層

其二

誦響起盤谷泉吟度遠澗有聞若無聲欲言已忘  
辨

其三

踈木益亭古平沙覺嶼遠如置此中人惟應嵇與  
阮

題畫

林光翠空濕嵐氣重欲滴門巷與幽深何人覓行  
跡

其二



一色青林好青於雨後多濕林不沾徑欵欵數騎  
過

其三

弱縷迎風舉漏石中通許因風縷自穿借問天孫  
女

其四

山怪雨餘近林如沐後真分明密葉下行過白衣  
人

其五

望客如望雨有酒不成酌臨泉看小溪幾度更茗  
瀹

墨梅

長風正吹人古木化爲鐵一花天下春萬里江南  
雪

月窓

青漢橫簷瓦斜穿月色下只此半牕光別是清幽  
夜

其二



樓高低暗壁輕風帶秋早孤月透牕櫺屋裏寒光  
到

其三

風開一扇牕案摩一片素隨意繙舊編照見幾行  
註

藏雲山房

有壑能藏寺看峰俱入樓雲邊雙嶼起天際大江  
流

博望山人稿卷之六

當塗曹履吉元甫著

七言絕

桃源洞

年年花浪逐閒春豈解耕桑辦採真何處望夷灰  
斷火空山馮占避秦人

其二

一勺靈源伏磴穿想隨香瓣掬僊僊若教鼓枻餐  
霞宵只是春山過雨泉



田園誰解夢蘧蘧天上人間比不如合是一般癡  
透骨通槎漢使武陵漁

其四

橫舟恍作遊僊夢遶逕翻成異代逢不使長竿與  
興廢白雲千載抵秦封

其五

花開不信有人行鷄黍聊傾避世情聽說鄰家尚  
相慰已聞馳道罷長城

其六

煙霞種地絳桃村嗔惹飛花扇洞門空鑿武陵舊  
津口蒼藤噴雪暗朝昏

辰溪鼓吹曲

別幕春雲萬竈低鈎簾平挂百蠻西龍津橋上高  
牙府挽洗爭言戍九溪

其二

狼烟開處足安厪日暮悲笳十部傳若地包茅消  
不得新教全楚割金錢



其三

急檄傳催司馬門三年秋燧滅朝殮鐘壽且爾愁  
南顧直北何人虎豹關

其四

蠻溪花信少風過赤羽飛芻見碧蘿曾賦從軍青  
鬢在夜深杯酒譜饒歌

冰玉山房雜咏

有引見五言絕

冰谿

丹嶂流春雪自湍鑑清肌骨覺凝寒若非吐溜涓

涓活常作玄池夜結看

玉屏

屐來高岫紫霄分積玉何煩斤斧文獨有闌風屏  
不得回頭吹起白蜺裙

凝碧樓

水林交處愛吾廬半割瀟湘帝子居却併雲天俱  
一色儘教分與四窓虛

躡雲廊

山雲宿處山廊封百級蹋開雲百重劈破桂根雲



其三

急檄傳催司馬門三年秋燧滅朝殮鐘籌且爾愁  
南顧直北何人虎豹關

其四

蠻溪花信少風過赤羽飛芻見碧蘿曾賦從軍青  
鬢在夜深杯酒譜饒歌

冰玉山房雜咏

有引見五言絕

冰谿

丹嶂流春雪自湍鑑清肌骨覺凝寒若非吐溜涓

涓活常作玄池夜結看

玉屏

屐來高岫紫霄分積玉何煩斤斧文獨有闐風屏  
不得回頭吹起白蜺裙

凝碧樓

水林交處愛吾廬半割瀟湘帝子居却併雲天俱  
一色儘教分與四窓虛

躡雲廊

山雲宿處山廊封百級蹋開雲百重劈破桂根雲



際合天香靈跡爲誰鍾

有斐堂

如君宜有此君堂特爲君歌淇澳章只比人間金玉好不知聲價出篔簹

漱潤軒

西江吸盡沃猶焦礪齒難堪且挂瓢但取羣芳歸學海漱來司馬渴全消

文明閣

閣上曾經隱少微文明題處識前徽斗牛東射靈

臺見夜夜文芒百道飛

吾伊所

置山先置讀書房更取窓前竹幾行竹裏讀書聲自悅空山寂歷道心長

時享亭

深山何意獨藏舟莫朔溪毛采卽羞一自樽罍陳六祝不知雨露幾春秋

寢成室

仲月嘗新薦罷時寢成不閉思遲遲丹青自肖甘



博望山人稿 卷之六  
泉室未及文墀寓玉鷺

南天寺訪松上人時有新安之行

幽林一水自縈洄修竹垂青面面來獨啓禪關問  
飛錫幾時白嶽挂瓢回

山行訪友

虛堂襟帶水雲斜半是湖山半是家爲探門前芳  
草意喬枝已放兩三花

美人顰心

朝開金鵲試雙灣的的并州上臆間爲夢燕霜送

君去叮嚀猶記卜刀環

金陵有感

浪逐閒雲幾處來東風芳草自徘徊儘教鬪麗降  
春色不減孤鸞一寸灰

燕來

壘落空梁半掩塵重來軟語怨青春可憐一樣雙  
棲地不見同前看燕人

其二

秋去春來如有約生離死別見無期玉臺已作經



年冷腸斷開簾看燕時

藏雲晚步

淺深叢綠隱僧迦過雨新泉出徑斜獨倚山門看  
歸鳥幾羣揉落白桐花

夜坐悼逝

長夜深更影自憐孤燈暗月半窓前誰知舊日身  
邊事都作肝腸百沸煎

無題

雲翹花院占春秋舊部青門大道樓抵老眠蠶爭

作繭琵琶多少訴江州

其二

百丈黃埃樹自珠常將姑射貯肌膚獨憐楚岫歸  
雲冷猶問分釵記也無

其三

濁河無蒂結青蓮天女維摩自解禪歌舞排場拈  
得出一般玉篆受金泉

其四

兩都佳麗合平章湘畹秦淮舊國香肯使陽阿空



帝里特教聲價數秋娘

其五

前溪新舞簇如鴉怪底停鞭若箇家須識夫人真  
姓字教成弟子總宜花

其六

碧竿銷粉轉清踈忽動微音亦起予風味已從林  
下看不須彤管校蠅書

再二首用首絕韻

吟賞三河海月秋當年杜牧斷青樓如何蹀躞溝

邊水故問人間劉豫州

其二

輕綃一幅淡於秋初月驚窺子夜樓顛倒桃源花  
節候幽窓潛伴唱涼州

題畫扇

青郊聞說署家林引領遙生天際心擬就烟雲圖  
像想箇中幽意許誰吟

其二

挿竹披榛翠嶂環想來草草亦高閑洞天無數饒



揮灑不識身圖丘壑間

其三

不用觀濤八月天袖中海若亦成連清泠浣退維  
摩豎翻出團團水墨禪

李經之蘭譜

畫葉栽花墨未乾胸中自是有成蘭晴風潤雨無  
人會應付靈均著意看

過李元美高齋

入室清聲洛誦多招攜同挾竹林過由來樂令玄

兼酒欲借高軒賦一歌

長安秋早寫寄君御先生

涼風一夜洗緇塵放出秋山雨後真寫寄太行鈴  
閣裏武陵添得舊溪春

壽朝徹上人

僧臘誰言歲月新一漚香海聽揚塵空林照出非  
燈月別現門中不壞身

寄潘木公

木落寒臯別凍雲幾層剖露數峰紋江天此外臨



風渺多恐清踈未似君

許鄰叟一畫久矣寄以慰之

曾諾輕綃染素秋因拈坡老舊詞頭今來漫付雙  
荷葉爲及君身作臥遊

題秦京五清圖

物亦有求求其匹石骨清姿同此筆何爲五清石  
猶遺還與主人爲六一

題畫送楊文弱還武陵

沙落蹊成事絕幽林居况在百泉頭何人欲覓并

州剪已屬桃花洞裏收

題海天壽域四絕爲黃年伯雙壽

石戶玲瓏九洞天星辰日月並高懸芙蓉峰極渾  
連海靈秘圖經舊可傳

其二

姚江襟帶盡成文蜃氣仙樓上翠氛持向崎湖釀  
一勺分明照出海東雲

其三

自向天都駕彩鸞蓮花擎向漢宮盤可知閶闔排



雲者鄧一經兮柳一丸

其四

朱草無勞抱玉漿  
恩覃紀歲正重光  
何年雙馭來  
瑤島喚起金華白石羊

胡天岳司李爲汪闇夫畫葵花一本適有所

合走筆紀贈

回光傾葉已經時  
阿閣深依玉樹枝  
寄語武陵仙子筆  
飛瓊天上怪人知

壽張問夫母

一亭涼雨碧梧踈  
彤管新開琬琰書  
璧月清江照  
孤緯千秋人抱老蟾蜍

爲張兆蘇題畫

吹散長烟見碧螺  
纖林片片點澄波  
穿蘿人去秋  
山宵半嶺回聽鼓  
柅歌

題曾肖東雙壽冊

靜好堂中兩鶴齡  
花棚釀榼坐相仍  
由來居室饒  
能事不羨僊人拔  
宅升

過陶名卿湄園



細雨全教草色收  
新楊如縷冒樓頭  
檻邊山水圖  
中記未論雲裝與臥遊

贈程若默

阿大牛郎若最聞  
尋真不問白元君  
惟將祖德推  
程典箇是藍田百代耘

戲張文若

已許中宮占麗華  
只回那復鬢如鴉  
葡萄新押麻  
姑酒始識君家博望槎

題畫

複嶺全披威鳳翮  
夾松如攫怒龍拳  
高低不刈樵  
青長踈密交鋪翠黛鮮

題王近玄畫面

原水長條縐綠回  
丹柎紅萼數株開  
垂絲不縮雲  
簑釣坐待流花出洞來

題畫

重螺新黛雨收初  
密葉全教水氣噓  
說與清冷人  
不識野夫自領一窓踈

聽曲



一聲拍板振霜華四座銜枚寂不譁齊到曲終評  
七字虎丘石上打師家

將出都爲戴魯生作小景

京塵何似故江鄉近岫高林列幾行寫到凌敲溪  
曲處一天秋雨打西窓

作小景有贈然此諾已三年矣

浪跡東山一諾曾烟雲忽動興隨乘衆山響處雲  
兼遏傲却清歌一疋綾

題陳仲叅小像

巉骨天生磊欲飛且馮衆樹自相依偶來丘壑非  
藏處况肯浮雲入世機

宣州關郡侯入覲葛子持卷索言因拂卷光  
素可染輒落幾筆卽識其意爲二絕

五馬駸駸指帝鄉清泠惟帶宛溪光如何半幅雲  
烟意添累圖書一束裝

其二

誰言北斗在天班臥理應存夢寐間留取輕綃音  
動處他時如見敬亭山



博望山人稿 卷之六  
識畫

四天約在群蓮下獨閣高臨衆樾顛閒出長橋畱  
響屨幾聲踏碎雪峰泉

徐昭質作畫寄秦京偶識

珍重前身好畫師茲音惟許臥遊知還將半幅鴛  
溪素千里遙同叔夜期

題汪園荆山亭圖

斧開黃石負成山就水盤蹊險置關借問西京洪  
谷子此圖何以落人寰

對雪作小景寄客二絕

思君歲晚掩空關點雪輕和墨一灣起就梅花弄  
寒遂東風吹入五原山

其二

更馮幽夢寫吹臺此地烟林拂素開書去雲中題  
去壁剡溪今夜是懷來

曇壁上人以法語見投答之

蛩然誰道足音空夢海醒鄉總戲鴻五月江南梅  
雨滴半龕回得耳根聰



其二

移來苦竹隨成譜長就甘蕉也善彈襪裏但畱安  
線處髻中休論信珠難

文殊菴吹壁間遂畱雲松上人

一聲橫玉破暝烟正是穿雲白鶴還春到梅花僧  
定起共留石上試新泉

石巢抵都題六絕跡余臨發而余已至相見  
欲狂因共作胃臆語竟夜走筆聊爾爲報  
末二語則使石巢見贈可也

徑從甕口神思險相入毫端世界殘故國冰江燕  
地雪燈前一夜月光寒

其二

高鳥新聲動帝闈門前剝啄句中人舟車自漫千  
年興不抵嚶嚶巧一聽

其三

對客偏驕小步兵新詩一舉四筵驚珊瑚典醉三  
尺鐵紅粉團呼十道瓊

題畫過墻竹



博望山人稿 卷之六  
誰占空堦影許長  
傍稍低壓過鄰墻  
天風應識湘中意  
就底秋亭拂石牀

題畫

高天日脚障雲岑  
樹色山山轉碧陰  
獨有飛泉盤百尺  
數行如雪寫知心

題趙承旨畫馬

迴波宛轉迎雙鬣  
一尺青泥蹄乍怯  
欲渡不渡人躊躇  
滿林蕭蕭風在葉

石巢病起厲詩禁  
大署再犯杖數以自警  
典

至不覺拈艷曲體一詩見示  
因步韻爲答  
詩云中心愛矣遐不謂矣  
可以得余意之所存

帝所歸來剩鼠肝  
輕將脂口想珠丹  
三章自判蒲鞭百  
猶說新詩似彈丸

與崔起九

秣陵天界城南寺  
寺裏菴門扁竹居  
恰對竹稍新月上  
與君語出斷金初

其二



別餘六歲空相憶忽把茱萸道故來怪爾談鋒多  
氣色和歌纔是出燕臺



